

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10) na prijedlog Sekretarijata za zakonodavstvo, Vlada Zeničko-dobojskog kantona na 36. sjednici, održanoj dana 10.12.2015. godine, d o n o s i

ZAKLJUČAK

I.

Usvaja se Informacija o Službenim novinama Zeničko-dobojskog kantona koja čini sastavni dio ovog zaključka.

II.

Zadužuje se Odjeljenje za informatičku podršku Stručne službe Vlade za realizaciju predložene mjere objavljivanja „Službenih novina Zeničko-dobojskog kantona“ na početnom zaslonu web stranice Kantona.

III.

Zaključak stupa na snagu danom donošenja.

Broj: 02-_____/15.

Datum, 10.12.2015. godine

Zenica

PREMIJER


Miralem Galijašević

DOSTAVLJENO:

1x Sekretarijat za zakonodavstvo,

1x Stručna služba Vlade-Odjeljenje za informatičku podršku,

1x a/a.



Broj: 03-02-19862/15
Zenica, 30.10.2015 godine

V L A D A
ZENIČKO-DOBOJSKOG KANTONA
n/r Premijera
n/r Sekretara Vlade

PREDMET: INFORMACIJA O SLUŽBENIM NOVINAMA ZENIČKO-DOBOJSKOG KANTONA sa prijedlogom zaključaka - dostavlja se

1. UVOD SA OBRAZLOŽENJEM

Zakonom o službenim novinama Zeničko-dobojskog kantona („Službene novine Federacije BiH“ broj 16/96), (u daljem tekstu: Zakon) je uređen način objavljivanja Ustava, zakona, drugih propisa i opštih akata organa Zeničko-dobojskog kantona u službenom glasilu Kantona. Službene novine Zeničko-dobojskog kantona (u daljem tekstu: službene novine), kao službeno glasilo, izlaze na bosanskom i hrvatskom jeziku i po potrebi, u skladu sa zahtjevima.

Izdavača službenih novina, shodno odredbi člana 9. Zakona, određuje Vlada Kantona.

Odlukom o određivanju izdavača i regulisanju ostalih pitanja vezanih za izlaženje Službenih novina Zeničko-dobojskog kantona („Službene novine Zeničko – dobojskog kantona» broj: 1/96, 12/00,10/02,10/07, 6/12 i 4/15) je utvrđeno da je Zeničko-dobojski kanton izdavač Službenih novina Zeničko-dobojskog kantona, te se za izdavača, u pravilu, ali ne uvijek, postavlja sekretar Sekretarijata za zakonodavstvo.

Poslovi štampanja su povjeravani najboljem ponuđaču, po provedenom postupku javne nabavke usluga štampanja, koji provodi Služba za zajedničke poslove.

Posljednjih par godina te poslove obavlja SZR „Petica“ iz Zenice, a troškovi štampanja su proporcionalni broju službenih novina, odnosno broju štampanih stranica.

2. POSTOJEĆE STANJE

Službene novine se već godinama štampaju u tiražu od 380 primjeraka po svakom broju, za 360 pretplatnika, od čega se 152 broja distribuiraju vanjskim naručiocima (prema spisku pretplatnika, uz naknadu od 120,00 KM koliko iznosi godišnja pretplata na službene novine), 115 školama, a 113 primjeraka se dostavlja kantonalnim organima i službama,

Prema podacima Službe za zajedničke poslove, naplaćena sredstva, troškovi štampanja i dostave iznose kako slijedi:

Godina	Otpremljeno	Distribuirano (brojeva)	Tiraž	Naplaćeno po osnovu ugovora	Plaćeno štampanje	Plaćena poštarina	Razlika koja se plaća iz Budžeta
2013	prema spisku pretplatnika-vanjski	152	380	18.240,00	23.724,00	7.060,00	12.544,00
	prema spisku pretplanika - škole	115					
	upućeno Kantonalnim organima i službama	113					
2014	prema spisku pretplatnika-vanjski	152	380	16.560,00	28.285,00	8.394,00	20.119,00
	prema spisku pretplanika - škole	115					
	upućeno Kantonalnim organima i službama	113					
2015 (do 30.06.)	prema spisku pretplatnika-vanjski	152	380	16.320,00 (Uplaćeno po osnovu pretplate)	11.511,00 (do 30.06.)	3.427,00 (do 30.06.)	Iznos koji se plaća iz Budžeta će svakako biti veći od uplaćenih sredstava
	prema spisku pretplanika – škole	115					
	upućeno Kantonalnim organima i službama	113					

Na osnovu iznesenih podataka može se zaključiti da uplate sa ugovorenim pretplatnicima, na osnovu pretplate, nisu pokrivale troškove štampanja i dostave.

Pored toga, evidentan je broj građana, kako iz našeg, tako i drugih kantona, koji se interesuju za sadržaje objavljene u službenim novinama.

Zastupnici u Skupštini Kantona su ukazivali na potrebu pristupa elektronskom izdanju službenih novina, što smatramo dovoljnim razlogom za pokretanje aktivnosti na izmjeni postojećeg stanja.

3. PRIJEDLOG ZA OBJAVLJIVANJE SLUŽBENIH NOVINA KANTONA NA SLUŽBENOJ STRANICI KANTONA

Shodno naprijed navedenom, predlažemo omogućavanje vidljivim sadržaja službenih novina na službenoj stranici Zeničko-dobojskog kantona (u daljem tekstu: Kanton).

Naime, izmjenom službene web stranice Kantona u okviru USAID-ovog Projekta jačanja institucija vlasti i procesa u Bosni i Hercegovini, okončanog u 2014. godini, omogućena je bolja preglednost službene stranice Kantona uvođenjem novih modula u radu iste, te poboljšani prikaz rada Skupštine i Vlade ovim sredstvom informisanja.

Na ovaj način bi se omogućio dostupnim sadržaj službenih novina Kantona kako uposlenicima kantonalnih organa i službi, uposlenicima škola, zastupnicima u Skupštini Kantona, ali i svim ostalim građanima koji imaju potrebu za istim.

Pored toga, objavljivanjem sadržaja Službenih novina na zvaničnoj stranici Kantona, tiraž bi se, u prvoj fazi smanjio najmanje za 100 brojeva koji se distribuiraju kantonalnim organima uprave, čak i pod uslovom da svi dobiju po jedan štampani primjerak, što će smanjiti troškove štampe, a potom i dostave, a u konačnici rezultirati uštedom i na godišnjem nivou.

Pristup i vidljivost sadržaja službenih novina, tehnički je moguće obezbjediti na dva načina:

- registrovan pristup, koji podrazumjeva primjenu sistema šifri, kojim se obezbjeđuje pristup samo registrovanim pretplatnicima,
- slobodan pristup svim zainteresiranim.

U cilju transparentnosti i lakše dostupnosti informacija i službenih akata građanima, te zanemarljivog finansijskog efekta naplate pristupa, predlaže se slobodan pristup.

Stoga predlažemo objavljivanje kompletnog sadržaja službenih novina na službenoj stranici Kantona, na njenom početnom zaslonu, što će svakako biti doprinos osiguranju načela javnosti rada Vlade, ali i korak na putu priključenja tehnološkim i digitalnim promjenama koje osvajaju sve aspekte modernog društva.

U cilju realizacije naprijed navedenog, predlažem Vladi Zeničko-dobojskog kantona donošenje zaključka dostavljenog u prilogu.

Dostavljeno:
1 x Naslovu,
1 x a/a

SEKRETAR

Berjana Ačkar